

1. Ko Káisá-kuobžâ puurâi keesi

Murruimurr tääbbin Ukselmauáiváást!

Mun lam Urho Kekkosi aalmuglâšmeeci kufittâr Ukselmauáiváá Elsa.
Mun aasâm Ukselmauáiváš-nommâsii tuoddârist,
mutâ mun jođám meid vyevdist, juhâpiálláin já jeegij alne.

Eromâšávt lyemeäigi mun jođám jeegij alne.
Lyemeäigi lii tääl kale jo kukken tyehin, ko lii koskâtálvi.
Teikâ puáhtáhân tom smiettâđ tienuuvt-uv,
ete lyemeäigi lii eskân ovdiibeln,
ko tääl lii tálvi, uđđáivemáánu
já uđđâ ihe lii eskân álgám.

Mun lam kuullâm mainâsijd,
ete jis uđđáivuodihho almeest láá ennuv tääsnih,
te čuávwoo keesi šaddeh ennuv luámáneh.
Muštih-uv keččâđ uđđáivuodihho aalman?
Lijjii-uv tobbeen ennuv tääsnih?
Vâi lijjii-uv tobbeen tuše ulmui pááččám täsniraketteh?

Na, luámánijn já lyemeäigist munjin puátá mielân muu ustev Káisá-kuobžâ.
Mun teivim Káisá-kuobžáin majemustáá lyemeäigi,
ko muái kuohtuuh luommijn Tankaväriääpist.
Tobbeen Káisá-kuobžâ muštâlij munjin návt:

*”Keessiv kávnovej maangálágáneh heerskuh,
mutâ lyeme lii kale njálgásumos!
Luámánijd mun njomástálâm njáálmán poovnást.
Lyeme lii máihláá já njäälgis.
Mun puurrâm čuávjam tievâ.
Mun šoddádâm tálvivuárhá tuurhá vuálá.
Tienuuvt mun vajam uáđđid ubâ täälvi.
Munhân tuodâi uáđám täälvi čoodâ.
Mađe eenâb ravádâh lii tuurhá vyelni, tađe pyereeb.
Stuárráamus mun lam čohčuv,
ko lam puurrâm ubâ keesi.*

*Teikâ...
jiem mun puurrâ keesi njálmásân!
Tallehân piäiváš kuárdáččij čuávjist
já koskâttuvâi äijihšonjâ tovâttičij čuávjipuálttâsijd.
Mun jiem puurrâ keesi,
peic mun puurrâm keesi ääigi puohlágán heerskuid maid luándust kaavnâm.*



Čohčuv,
ko ääinig lii muáttám enâmân,
mun čaanhâm kuátán.
Kuáđi mun lam ráhtám olssân nuuvt rávhálie já tuárispeln orroo sajan ko máhđuláš.
Muu puurrámlusto-uv kiáppán ovdil tälvinahhaar.
Tälvinahareh láá jieñáleh.
Uđđáivemáánust mun jorgettám eerti já uáđám ain.
Mun nievdám máihláás luámánijd,
sturrá kutkámievtáid,
jurbá ertpeelijd
já lieđđee uláštoññásijd.”

Uđđáivemáánu tiervuođáiguin
Urho Kekkosii aalmuglášmeeci kufittár, *Elska*

Kufittár tehálijd aášijd čaalij taan pápárán Kristiina Aikio. Jurgálus Tanja Kyrö.

Pargopittä:

Sáárgu kove tast, ete maid Káisá-kuobžâ niävdá?

